



Nunavumi Avatilikiyin Naonaepkota: 12MN001

January 23-mi 2012-mi

Chris Hanks
VP Environmental Affairs
Hope Bay Mining Ltd.
300-889 Harbourside Dr.
North Vancouver, BC V7P 3S1

Kagitaoyakun toyutaoyok: Chris.Hanks@Newmont.com

Una: Kaoyiyun Ilagani 4 Ihivgeokhiyutinin Kapihiliktutmi Oyagakheokvikmik “Havaak 2 Kapihiliktumi Oyagaktaakhanik” Havaagiyaoyumayomik

Halo Chris Hanks:

December 8-mi 2011-mi, Nunavumi Avatilikiyin Katimayin (Avatilikiyin) pihimalikmata “Havaak 2-mik Kapihiliktumi Oyagaktaakhanik” havaagiyaoyumayomik ukunanga Hope Bay Mining Ltd.-konin (HBML-kon; Havagumayok). January 12-mi 2012-mi, Avatilikiyin pihimakmata tukhiktutimik ihivgeokgeagani una havaagiyaoyumayok Kitikmeoni Inoen Katimayenin (KIA-kon). Avatilikiyin naonaepkohikmayuk una havaagiyaoyomayok napamik **12MN001-mik** – una titigayavan naonaepkota hivunikhami titigaogigineagukni.

Havaagiyaoyomayok inikaktok kanitoani 125-kilamitamik hivogaani oalikheagani Ikaloktuteam, Kitikmeoni Nunavumi. Havaakagumayum piyotigiyonigakhogo Havaak oyagaktageamikni kulmik Madrid/Patch-mi Boston-milo oyagaktaakhanik Kapihiloktum ilagani Oyagaktakvikhanin anmukpalealotik nunam ilaogulo algaklotik oyagaktahinik atugumayun. Havaakagumayok nalaotakta oyakikineaknigakhotik 2 milean tanik ukomaetilaganik ukeotoagaagan, atulimagitamikniklo oyagaktanin atagoniklo nalaotaktun kanitoani 350 milean tanik 25 milean taniklo, atuni. HBML-kon havaligumayun havaakhamik 2014-min 2015-mun, oyagaktakveolonilo 15-ni ukeoni.

Ukoa *naenakhogin* havaagiyaoyomayomi ilagiyaen Havaami 2-mi Kapihiliktomi Oyagaktakvikhami Havaagiyaoyomayomi:

Pikotigiyaoyomayun Roberts Bay-mi:

- Umiyan tolaktakvikhaan itinikmi;
- Igonik monakhivik iglukpak;
- Hanavikhan;
- Umiyan kaleni iglukpaen; unalo
- Okhokyoakavik okhikhivikhaklo.

Pikotigiyaoyomayun Doris-mi:

- Aolayotinun iglukpakakvik;
- Halikaptaen milvikhaan;
- Ukeogaalok milvikhak;
- Nulaktun imagikhitevik anaguniklo halumakhivotikhan iglukpaen;
- Hanavikhan;
- Tamayakakvikhak;
- Oyagaktaanik tutkottigivikhak;
- Titigakvikhan iglukpaen;
- Nunam iloani oyagaktakvikhak;
- Hikuptigivikhak;
- Oyagaktaanin kulmik ahivaktigivik;
- Atulimagitonik oyagaktanik tutkottigivikhak;
- Nunam kagani imavaloknik monagiyotin;
- Okhokyoakakvikhak;
- Oyagaktakvikmi paniktigun;
- Atakunik ahivaeyutin tutkottigiviklo;
- Heogaktakvikhak;
- Alguyaktutinun ignikotikakvik algoyalo;
- Oyagaktakvikmin imaeyaotikhan imagikhitevikhalo iglukpaen; unanlo
- Ahenik atogeakaktonik iglukpaknik.

Pikotigiyaoyomayun Madrid-mi Patch-milo:

- Nalvakheoktin holilogaktolo iglukpakakven;
- Ukeogaalok mivikhak;
- Titigakvikhan iglukpaen;
- Alguyaktutinun ignikotikakvik algoyalo;
- Okhokyoakakvikhak;
- Anmukpalealotik nunam iloanilo algaklotik oyagaktakvikhan;
- Hikuptigivikhak;
- Hanavikhan;
- Nulaktun imagikhitevik anaguniklo halumakhivotikhan iglukpaen;
- Oyagaktakvikmi paniktigun;
- Halomayun haohivotikhan;
- Oyagaktaanik atulimagitoniklo oyagaktaanin tutkottigivikhak; unalo
- Ahenik atogeakaktonik iglukpaknik.

Pikotigiyaoyomayun Boston-mi:

- Nalvakheoktin holilogaktolo iglukpakakven;
- Halikaptaen milvikhaan;
- Ukeogaalok milvikhak;
- Nulaktun imagikhitevik anaguniklo halumakhivotikhan iglukpaen;
- Hanavikhan;
- Tamayakakvikhak;
- Ikutaanik hanakivik;
- Titigakvikhan iglukpaen;
- Nunam iloanin algakhotik anmukpaleavlotiklo oyagaktakven;

- Hikuptigivikhak;
- Oyagaktaanin kulmik ahivaktigivik;
- Atulimagitun oyakan oyagaktaaniklo tutkoktitivikhak;
- Nunam kagani imavaloknik monagiyotin;
- Okhokyoakakvikhak;
- Oyagaktakvikmi paniktigun;
- Atakunik ahivaeyutin tutkoktigiviklo;
- Heogaktakvikhak;
- Alguyaktutinun ignikotikakvik algoyalo;
- Oyagaktakvikmin imaeyaotikhan imagikhitevikhalo iglukpaen; unalo
- Ahenik atogekaktonik iglukpaknik.

Pikotigiyaoyomayun Mid-belt-mi:

- Nalvakheoktin iglukpakakven;
- Okhokyoakakvikhak;
- Titigakvikhan iglukpaen;
- Hanavikhan;
- Nulaktun imagikhitevik anaguniklo halumakhivotikhan iglukpaen; unalo
- Halikaptaen milvikhaan.

Tamaeta iglukpaen akunga ukoegaalok apkotikakneaktun ukeomilo apkoninik. Hikomilo milvikakneakun ihaokotaoyagani nunani havaani.

Ilaoyun keoyipkagaoyun ilaoni aalatken tukhiktutigiyaeni, HBML-kon okaktun nahoginigakhogin kanogilivaleanikhaen Havaak ihivgeoktaotilogo piyotolakman una Havaak agiyonik aktoknikalakman talvuna Ihivgeokgeakaguknakhiyok atoklogin Ilaga 5, 6-lunen Nakatani 12 Nunavumi Nunataknikun Agikatigegutaoyum (NLCA).

Tamaeta makpigaan pihimayun piyotikaktulo HBML-kon havaagiyomayaenik (Nunavumi Avatilikiyin titikanun naenaepkota 12MN001) piyaolaktok Avatilikiyinin kagitaoyami kungeakhaenin uvani:

<http://ftp.nirb.ca/01-SCREENINGS/ACTIVE%20SCREENINGS/12MN001-HBML-Phase%20%20Hope%20Bay%20Belt/01-APPLICATION/> ukoalo:

- *Avatilikiyin Ilaga 1 Titigaakhan (Kavlonatun, Inoenaktulo Inuktitulo)*
- *Avatilikiyin Ilaga 2 Havaamik Hivonikhiyutikhanun Titigaakhan*
- *HBML-kon Havaagiyomayaen*
- *Tukiheanaktun Naetomik Okaoheoyun Havaagiyayomayomik (Kavlonatun, Inoenaktulo Inuktitulo)*
- *Nunaoyan nahaotilo*
- *Tikoakhiyotin Avataoyomik Aktoknigilaktaenik*
- *Opaloknaktokakan Upiyotikhan Kuveyokakalo Opalogaeyaotin*
- *Haohiyotikhanik Monagiyotin Aneagutaolaktoniklo Monagiyotinun Opalogeayaotin*
- *Havaamik Amigiyotin Kigoagulo Opalogaeyaotin*
- *Angutikhan Himaotikhaen Monagiyotinulo Opalogaeyaotin*
- *Taemaeneaknikan Ikalolikiyin Takyomeotaniklo Kanatami Aolanigagun Okaoheoyun*
- *HBML-kon Atoqumayaenik Avataoyomik Aktoknigagun Okaoheoyonik Maligoakhan*

Atukan Nakatani 12, Ilaga 4 NLCA-goyum, Avatilikiyin ihivgeokhilikneakun umiga havaagiyaoyomayomik. Avatilikiyin tukhilaktun ilageagutikhanik hivonikhiyutikhanik ihumamigun una aolatilogo. Avatilikiyin ayikotaenik tunineakatin ihivgeokhiyotinun piyotikaktonik titikanik kagitaoyakolo takulaligeagani ilaoyun makpigaan kitulika inoen takoyakhaenik.

Avatilikiyin ayikotaenik tonihineaktun ilaoyonun hamleoyonulo aktoktaolaknikata HBML-kon havaagiyomayaanin unalo titigak, okakologilo ilaoyomayun Avatilikiyinun tikitinagu **February 9, 2012-mi.**

Avatilikiyin tohagumayun ilaoyonin ukununa:

- Havaagiyaoyomayok agiyonim kitulikaa ihomalutigineaknikayuk; taemaenikan, huk;
- Havaagiyaoyomayok agiyonik ihoeliyotaoneaknikan avataoyomik inoelo inuhenik manikhakheogutaeniklo; taemaenika, huk;
- Havaagiyaoyomayok ukoa ihoeliyotaolaktun naonaenikata ihoakhilaklotiklo atoklogin nutaan ihoakotin, (okayavutin atulikoyaviknik ihoakhiyotikhani); unalo
- Hunalikaa atoknikaktok Ilaoyumin piyotikaktomin havaagiyaoyomayomik.

Avatilikiyin tonihikoeyun ilaoyumayunin okaohikmiknik uvuga info@nirb.ca kayomiktokolunen (867) 983-2594 tikitinagu February 9, 2012-mi.

Ihoakhaeguvin keoyutikhaknik tukhiktaoyomun, ilaoyun kaoyimakoyaoyun taya Kapihiliktumi Havaak 2 havaagiyaoyomayok toniyaoyok Avatilikiyinun ihomagiyaoakman [ilikun](#) ayikotakagitonilo tukhiktun Doris North-mi Kulmik Oyagaktakvikmik ilitokhaktahimavlonilo Avatilikiyinin (Avatilikiyin Naonaepkota 05MN047) atokhogin Nakatani 5 Nakatanilo 12 NLCA-mi. Hivonikhiyotikhan piyotikaktun Avatilikiyin Ilitokhaknigagun Doris North-mi havaamik piyaolaktun Avatilikiyin kitulikaa takoyakhaeni naonaepkotini kagitaoyami uvani: <http://ftp.nirb.ca/02-REVIEWS/COMPLETED%20REVIEWS/05MN047-DORIS%20NORTH%20GOLD%20MINE%202006/>.

Apikotikhakakniguvun ihomalutikaguvilunen, okakvigenageakaktakma hivayakloga (867) 983-4609 uvunalunen kagitaoyami kboa-antwi@nirb.ca.

Uvaga,



Kofi Boa-Antwi, M.Sc.
Naonaeyagakhanik Ihomakhakheokti
Nunavumi Avatilikiyin Katimayin

toniyaoyolo: Toniyaovaktun Titigakhimayonin
 Lea-Marie Bowes-Lyon, Kapihiliktomi Oyagakheoktin
 Geoffrey Clark, Kitikmeoni Inoen Katimayin
 Stanley Anablak, Kitikmeoni Inoen Katimayin
 Phyllis Beaulieu, Nunavumi Imalikiyin Katimayin

Ilagiyaen (pigahun): Okaohinik Titigakvikhan (Kavlonatun, Inoenaktulo Inuktitulo)